

# ZELENÒ IDEOLOGIA -SOLIDARNO KERDIMOS

Iekh skorto ram pa o Miljöpartiet, le zelenoki partiaki programa.

**Kadó ram si skortorés pa Miljöpartiet O zelenó programa pa e partia. Kana e partiaki programa ramosardás atunči but miji manúš huladé penge ginduri sar te maezol la partiaki fatsa thai o gindo lesko. Kadea si e zor ando o zelenó ideologia. E politika-thai o them-amé ketanés baravás. Kadó si amaró ketanó zelenó glaso.**

**Sa ande e partiaki programa sar džinés tukhe pe o patrin:  
[www.mp.se/partiprogram](http://www.mp.se/partiprogram)**

O Miljöpartiet si iekh lumeake kidimos kai mangél iekh lumea kai šai sa le manúš train penge ando mištimos, bi te rimón o traio le manúšenge kai avén pala amende, le generatione mai anglé. Amari politika si vazdini te šai dikés tukhe pe sa so si ande e lumea: ke sa si hamimé ande iekh than.

Ande e lumea si te avél baré pušimáta. E politika si kai kerél te šai nevílpe thai te zuraivól o them. Amé le zeleya sam ketané ande e buči te šai lašarás amaró them ande ikeh névi thai laši hira.

E Miljöpartiet si iekh džuvlikani partia. Butende, thai ke sam sa iekh fealo si o fundamento ande iekh them. Džanás ke o difirantso maškár le manúš baravél e lumea. Thai savorén patias amén ke sa le manúš ande iekh them te hatiarén pe džindé ande leste. Amé džanás ke o difirantso maškár le manúš kerél e lumea mai barváli.

**Amarí politika si vazdení pe trin solidarne punturi:**

- solidarno le dživinensa, le vešesa thai le paiésa, thai le ekologisko systemása.
- solidarno le genaratsionensa kai avén pala amende.
- solidarno sa le manúšensa pe sa e lumea.

**O manúš**

O manúš si kreativno thai džilesko manuš kai mangél te lel responsibilitat. Ande le-manúšengi idea si iekh čuda barvaló gindo kai sikavél o drom mai anglé. Amé patias amén pe iekh demokratsia kai si aktivno thai kai hamil le manúšen ando them ande leste.

Ande kadó gindo trubul vužoro informatsia, iekh džuvindi politika kai si les puterdó diváno maškar le manúš, thai o posibilitat ke svako dženo ando o them šai mothol peski vorba thai te del pesko gindo le manúšenge kai kerén buči ande e politika.

O zelenó kidimos mangél iekh liberó jakh pe e politika. Nevé idea šai barón kothsé kai si o manúš liberó thai kai šai lel pes pala peski godži thai ginduri thai kai si respektimé. Sogodi manúš te avél len sa iekh fealo čačimos, respekto thai

posibilitat- murs vi džuvli, manúš anda sa le štamturi, manúš kai si len difirantsi religioni, manúš kai naštin te pirén vai te misškinpe, murš kai kamén muršén vai džuvlae kai kamén džuvlán, vai te san ternó vai phuró.

Vi le glati baravén o them, thai nai feri pasivne manúš ando them kai le phuré baravén. Pe lungu vremea si o gindo ande amari politika, te šai lašarás le glatenge, ke von si te avéna iekh putčimos thai zor le themeske mai anglé.

E sčoola si te del svako glatás posibilitat te šai baravelpe. Te na avél baxtalé vai xasardé elevni, vi te na avél lašé thai tčočé sčooli. E politika si te del la sčoola zor te o elevno šai baravél pesko džanglimos thai lesko siklaerimos šai sikadól peske mištó.

Amé patias amén pe o sitčimos kai inkerél ande sa o traio. Kana sa le manúšenge si slobodo te alon so von mangén te kerén anda pengó traio atunči amé ketanés šai ansarás iekh zuraló them.

Sa le manúšenge musai te avél posibilitat te šai baravén penge suné. Sa diskriminatsia musai te pagás, ke konik te na đukaivol kátar o rasismos vai e vuřutsinia.

### **E natura/klimáta**

E zeleno ideologia nai feri pa sar le manuš dikén pe iekh kavreste ma vi pa sa amaró mangimos so si karing amende. Le manušesko responsibilitat nai feri pa leste korkořó, ma vi mai dur desár o generationo lesko. Le dživinen si patia te avén naturalne thai te na avén kinuimé.

O traio ande le barvalé themá šai avél len problemi avreal le granitzi pengerenge. Musai amenge te vortosarás amaré themá te šai trainas savoře ándo mištimos vi mai anglé bi te rimosarás amaré posibilitat, le manúšenge ande le káver themá thai le generatsiononge kai si te avéna mai anglé.

E klimáta e tčočri baról thai rimól vi savořengo traio mai anglé. Si te rimól e ekonomia ande e lumea thai o traio le themesko. Da ke džanás amenge pa kadó da sa rimosarás o čeri thai o aboro amaró la votrávasa thai le gunojésa. Ma amé si te avás le baré pe kadó pušimos te šai o manúš lel pe sama te na rimól e klimáta.

O švedo de dumult thai vi adies mekél avri ando čeri mai but tčočó aboró de sar si slobodo leske. O švedo šai sikavél kavér lašé posibilitat te šai lašaivol e klimáta ando them. Ma atunči trubulpe iekh na darani politika pa e klimáta thai pa e vremea. Amé ando Miljöpartiet zuralé sam ando amaro gindo ke iekh godžaver klimáta ando them si vi iekh them kai si mištó le manúšenge.

### **E ekonomia**

La lumaeke trubul iekh nevé politika pa e ekonomika. či mai džalpe la ekonomikake te baról pe iekh planeta kai si les prea xantsi ande o "gunó". Kadó te hatiaras amenge tai te das amén gindo pa.

- Kodó kai si mištó le manúšenge thai lumeake musai te avél lezni.
- Kodó kai si tčočés le manúšenge thai la lumeake musai te avél kutči.
- Kodó kai rimól le manúšen thai la lumeake musai te avél tčudinó rigáte.

Le manúšesko sitčiomos barilás fugása pe le šel beršende thai e ekonomia barilás pe butende. O barimos sas pozitivno pe butende, ma ande sa iekh data vi but rimosaililas, o čeri thai o aboró ande e lumae melailo tisterá.

O biologisko barvalimos signilás. Le nevé prioritatensa thai le nevé gindonsa amé šai ansarás iekh ekonomia kai nai musai te bárol kana godi.

Amé gindosaivas pe iekh zoralo them, sociatat kai lel peske zor thai troma te šai mothól peski politično vorba. Vi kana nai vužoro te šai kintiril o manúš la vorbása pe iekh traditsinialno barimos.

E lezni energia anda le peketi vai anda o vuloi rimosardás but e klimáta. Ke te šai inkerás iekh zorali ekonomia atunči musai amenge te boldás e systema pe e energia. Musai amenge te inkerás e energia mai efektivno šel presentu te šai kerás nevimos ande e lumea mai anglé.

Amé mangás te dikás iekh them, sociatat skipimé kátar o kaernkrafto. Le kaernkraftosa si prae but darr ke mekél radioaktivno gunoj pala peste le generationenge kai avéna mai anglé.

Te či boldás e systema pel energia akaná, atunči musai amenge te boldás e vurma karing e energia mai anglé. Thai atunči si te avéla mai kutči iekheske manúšeske ando o them, le kompanienge thai sa le themenge.

### **O mištimos**

O mištimos si te avél le manúšeske hodiná, lašó thai liberó traio. Amé sam zuralé kana džanás te šai las sama pa iekh kavreste kana sam kovlé thai nekižimé. Ande kuae musai le themeske te lel sama pe svakoneske manúšes kana trubulpe. Ande kuae musai le themeske te sikável ke si les iekh systema ande hodina thai patia le manúšeske kai si nasvaló vai kana nai les buči. Kadó musai le manúšenge, kai si barvalé te putinenpe.

O sastimos thai e špita ando Švedo musai te avél sogodenge thai te avél moderno. Ande kuae musai te putinás lové pel o sastimos le themeske thai pe le špiti.

Amé mangás te das le regionalne thai le komunenge mai but purinčimos pa pušimáta kai si karing lende. Vi te bešéla o manúš pe káver rig ando them, ma sa te avél le manúšes prava te avél les pošta, telefono vai te šai marél kai le raibaré kana musai leske.

Ando Švedo musai te baravás e programa kai bušól "miljonprogrammet". Te na avél kadea ke si thaná ando o them ke musai le manúšenge te mutinpe kothsár te šai avél len mai bari bax te train penge.

Amaró gindo si ke sa le manúš kai či kerén penge lové, te šai len penge lové kátar o them te šai train pe lende, bi te pušelpo so sas lengo lov mai anglál thai anda soste naštin te kerén penge lové. Amé mangás iekh ketanó insurianso kai o kher le forosko inkerél ando pesko vas thai kai del le manúšes lové kana nai les. Vunivar mothás ke musai te avél "iekh vudár andre" te na perél o manúš maškar le skaminá.

O mištimos te na inkerelpe sar iekh biači. Amé či sam konsumenti le mištímáke, amé sam manúš kai trainás amenge ando o them. O škatto musai te zuravél le bučean kai trubulpe, thai te na neril varikon pe le lovende.

### **E lumea.**

Akaná si but manúš ande e lumea kai vazdén pes opré anda o tčorimos. O mištimos baról, thai le manúš kerdón mai phuré, thai mai siřa glati merén. Ma ande sa iekh data le manúš melarén thai rimón e phuv. O zelenó zor mangél te šai arakél nevé dromá te šai le manúš train penge mai mištó, ma ande sa iekh data arakás pusimáta pa klimáta- thai e natura.

E Miljöpartiet le zeleya si taté manúš kai kerén buči ande e lumea ketanés. Amé mangás ke o manúš musai te purinčil pe pesko traio thai so mangél peske. Thai ande kudea amé či patias amenge pe varekaste kai purinčil oprál pa o manúšesko čeró thai ke o purinčimos duráivol le manúšen.

O Miljöpartiet si iekh EU-kritikno partia. Amé mangás te barvaivol e EU te šai anklél iekh flexibilno buči ketanés, kai svako them ando EU šai alol kodolá pušimáta kai mangél te avél hamimé ande lende. O švedo musai te inkerelpe libero kátar o EMU.

Le švedoski buči pe e patia ande e lumea thai pe lovende le tčoré themenge naštil te avél pe čačimaste te bikinéla ande sa kudó momento puški le themenge kai le diktaturi pirinčin. Iekh čačo thai zoraló lumeake barimos musai te avél mai importante de sar skortsi ekonomiske interezni.

O Miljöpartiet o zelenó si les gindo te na šai avél granitzi maškár le themá, kothsé kai sa le manúš sar mutinpe thai ke kanikaske si musai te našeltar kothsár. Amé či patias amén te šai avél slobodo le themén te alon kas mangén te trail ando pesko them, amé patias amén pe le manúšengo patia te šai alon kai von mangén te bešén penge. Le manúš musai te dikén iekh kavrés, thai te na ansardól ziduri maškár lende. Amé sam barikané ke sam kudea partia kai si e mai puterdi pe e migratsia.

### **Te arakás vurmi**

Vi kana e Miljöpartiet si iekh politično partia si vi iekh vurma kai arakél vurmi. Amé sam vi anglé ando o traio thai vi maškarál ande leste. Te na xasarás o kontakto le manušensa kai avén pala amende, ma ande sa iekh data nai amén vremea te xasarás.

Manúš kai si len džiló thai kai si len gindo zuraló vortón e lumea. Svako nevimos keždil peske ando svako manúšesko lasó gindo thai zor. Kudea kerél difrantso.

Kadó ram si iekh skorto ram pa o Miljöpartiet le zeleyake programa pe e partia. Kathsé sar džinés tukhe pa amaré ginduri thai pa e idelogia kai si pa amaré politične pušimáta. Te mangésa te džanés mai but pa amari politika sar džinés tukhe mai pe o patrin [www.mp.se](http://www.mp.se). Kothsé vi šai arakés sa so ramolpe pa amari partia.